

AKASHVANI (AIR)
RNU : KOLKATA
Bengali Text Bulletin

Date: 07.12.2024

Time: 7.50 P.M.

বিশেষ বিশেষ খবর –

১) আবাস যোজনা প্রকল্পে উপভোক্তাদের বাড়ি তৈরির টাকা দেওয়ার আগে পরিচয় সহ অন্যান্য নথি আর এক দফা খতিয়ে দেখতে রাজ্যের প্রতিটি পঞ্চায়েতে বিশেষ শিবিরের আয়োজন করা হচ্ছে।

২) রাজ্যের বিশ্ববিদ্যালয়গুলির অধিকাংশতেই স্থায়ী উপাচার্য নিয়োগের বিষয়ে রাজ্যপাল সিভি আনন্দ বোস সম্মতি দিয়েছেন।

৩) বাংলাদেশের ঘটনায় এরাজ্যের মানুষকে পথে নেমে প্রতিবাদ গড়ে তুলতে হবে বলে বিজেপি দাবি করেছে।

ঢাকায় ফের একটি ইস্কন মন্দিরে অগ্নি সংযোগের ঘটনায় ইস্কনের পক্ষ থেকে গভীর উদ্বেগ প্রকাশ করা হয়েছে।

৪) পশ্চিমবঙ্গে রাজ্যসভার একটি শূন্য আসনে উপনির্বাচনের জন্য মনোনয়ন পেশের কাজ শুরু হয়েছে।

৫) রাজ্যে এখনও তেমনভাবে শীতের আমেজ অনুভূত না হলেও আগামী সপ্তাহের মাঝামাঝি থেকে তাপমাত্রা কমবে বলে জানিয়েছে আবহাওয়া দফতর।

৬) চেন্নাই-এর জওহরলাল নেহরু স্টেডিয়ামে আজ আই এস এল-এর ম্যাচে ইস্টবেঙ্গল ২-০ গোলে চেন্নায়িন এফ সি কে হারিয়ে দিয়েছে।

০০০০০০০০০০০০০০০০০০০০০০

আবাস যোজনা প্রকল্পে উপভোক্তাদের বাড়ি তৈরির টাকা দেওয়ার আগে পরিচয় সহ অন্যান্য নথি আর এক দফা খতিয়ে দেখতে রাজ্যের প্রতিটি পঞ্চায়েতে বিশেষ শিবিরের আয়োজন করা হচ্ছে। ওই শিবিরে গিয়ে সংশ্লিষ্ট উপভোক্তা নিজের নাম ব্যাঙ্কের সমস্ত তথ্য যাচাই করে সম্মতি দেওয়ার পর পোর্টালে উপভোক্তা নামের সঙ্গে তার আধার নম্বরে সংযুক্তিকরণ করা হবে। উপভোক্তার পরিচয় নিশ্চিত করতে বায়মেট্রিক ব্যবস্থা রাখা হবে। এছাড়াও যে মোবাইল নাম্বরের সঙ্গে আধার কার্ডের সংযুক্তিকরণ করা রয়েছে, সেই মোবাইল নম্বরে ওটিপি-র মাধ্যমে পরিচয় যাচাই করা হবে। সম্পূর্ণ প্রক্রিয়া সম্পন্ন হওয়ার পর আবাসের চূড়ান্ত নামের তালিকায় সংশ্লিষ্ট ব্যক্তির নাম তোলা হবে বলে প্রশাসনিক সূত্রে জানা গেছে।

উল্লেখ্য ১৫-ই ডিসেম্বরের পর আবাসের টাকা বিলি করা হবে বলে মুখ্যমন্ত্রী মমতা ব্যানার্জী আগেই ঘোষণা করেছেন।

০০০০০০০০০০০০০০০০০০০০০০

রাজ্যের বিশ্ববিদ্যালয়গুলির অধিকাংশতেই স্থায়ী উপাচার্য নিয়োগের বিষয়ে রাজ্যপাল সিভি আনন্দ বোস সম্মতি দিয়েছেন।

রাজভবন সূত্রে খবর, ৩৬টি বিশ্ববিদ্যালয়ের মধ্যে রাজ্যপাল ৩৪টি বিশ্ববিদ্যালয়ের জন্য স্থায়ী উপাচার্যদের নিয়োগপত্রে স্বাক্ষর করেছেন।

প্রথম পর্যায়ে প্রেসিডেন্সি, বর্ধমান, বাঁকুড়া, কল্যাণী, সিধু-কানহো-বিরসা এবং রানি রাসমণি গ্রীণ বিশ্ববিদ্যালয়ের স্থায়ী উপাচার্যের নাম প্রকাশ্যে এসেছে। প্রেসিডেন্সির উপাচার্য করা হয়েছে নির্মাল্যনারায়ণ চক্রবর্তীকে। বর্ধমান বিশ্ববিদ্যালয়ের দায়িত্বে শঙ্করকুমার নাথ, বাঁকুড়ায় রূপকুমার বর্মণ, কল্যাণী বিশ্ববিদ্যালয়ে কল্লোল পাল, সিধু-

যাত্রী সুরক্ষা ও রাস্তায় যানজট এড়াতে রাজ্য সরকারের পরিবহন দপ্তর বেশ কিছু নির্দেশিকা জারি করেছে। ঐ নির্দেশিকায় বলা হয়েছে পরিষেবা সংক্রান্ত অভিযোগ জানানোর জন্য প্রতিটি বাসে বাধ্যতামূলকভাবে অভিযোগ বাক্স রাখার পাশাপাশি স্টপেজে যাত্রী তোলার জন্য এক মিনিটের বেশি বাস দাঁড়ালে জরিমানা করা হবে। চালক,কন্ডাক্টরদের নিয়োগের ক্ষেত্রে তাদের অতীত অভিজ্ঞতা বা তাদের বিরুদ্ধে অভিযোগের বিষয়টি বাস মালিককে খতিয়ে দেখতে হবে। চালকদের লাইসেন্সের কপি বাসে আটকে রাখতে নির্দেশ দেওয়া হয়েছে। বাস নিয়ে রাস্তায় নামার সময় রাজ্য সরকারের অ্যাপে ঢুকে কিউআর কোড স্ক্যান করে গাড়ি চালু করতে হবে বলে নির্দেশিকায় জানানো হয়েছে।।

ক্ষুদ্র, মাঝারি ও অতি শিল্পে রাজ্যের উত্তরবঙ্গের তিন জেলা থেকে ৮০০ কোটি টাকা বিনিয়োগের প্রস্তাব এসেছে। আজ মালদা কলেজ অডিটোরিয়ামে আয়োজিত সিনারজি কনক্লেভ এ মালদা ছাড়াও দুই দিনাজপুরের প্রায় ৭০০ শিল্পদ্যোগী অংশ নেন। সেখানেই তারা এই বিনিয়োগের প্রস্তাব দিয়েছেন বলে সরকারিভাবে জানানো হয়েছে। এই তিন জেলায় শিল্পের উন্নয়নে এপ্রিল থেকে সেপ্টেম্বর পর্যন্ত বিভিন্ন শিল্প উদ্যোগীকে ৪ হাজার ৪৪২ কোটি টাকা ব্যাংক ঋণ দেওয়া ছাড়াও রাজ্য সরকারের বাংলাশ্রী প্রকল্পে ৪১ টি ইউনিটকে ভর্তুকি বাবদ ১৫ কোটি ৮১ লক্ষ টাকা দেওয়া হয়েছে। এছাড়াও ভবিষ্যৎ ক্রেডিট কার্ড প্রকল্পে ৯৫ কোটি ৩৭ লক্ষ টাকা দেওয়া হয়েছে বলে সরকারিভাবে জানানো হয়েছে।

০০০০০০০০০০০০০০০০০০

ট্যাব জালিয়াতির পর রাজ্য সরকার ধান বিক্রির টাকা নিয়ে দুর্নীতি রুখতে যে পোর্টালের মাধ্যমে সরাসরি কৃষকদের অ্যাকাউন্টে টাকা পৌঁছয় তার নিরাপত্তা খতিয়ে দেখতে খাদ্য দফতরকে নির্দেশ দিয়েছে। রাজ্যের খাদ্য মন্ত্রী রথীন ঘোষ জানিয়েছেন, ধান কেনার ক্ষেত্রে সবরকম সুরক্ষা ব্যবস্থা থাকলেও বাড়তি সতর্কতা হিসেবে গোটা প্রক্রিয়া আরও একবার পর্যালোচনা করা হচ্ছে। উল্লেখ্য, চলতি বছরে ৭০ লক্ষ টন ধান সংগ্রহের লক্ষ্যমাত্রা ধার্য করা হয়েছে। এর মধ্যে ৫১ লক্ষ টন ধান ইতমধ্যেই কৃষকদের কাছ থেকে সংগ্রহ করা হয়েছে।

০০০০০০০০০০০০০০০০০০

বাংলাদেশের ঘটনায় এরা জ্যেত্ৰ মানুৰকে পথে নেবে প্রতিৰোধ গড়ে তুলতে হবে বলে বিজেপি দাবি করেছে। দলের মুখপাত্র শমীক ভট্টাচার্য বলেন, কোন রাষ্ট্রের পক্ষে অন্য রাষ্ট্রের অভ্যন্তরীণ বিষয়ে হস্তক্ষেপ করা এক্তিয়ার বহির্ভূত। তাই কেন্দ্রীয় সরকার কি করেছে সেদিকে না তাকিয়ে এরা জ্যেত্ৰ বাঙালিদের পথে নেমে প্রতিবাদ করতে হবে।

(বাইট – শমীক)

০০০০০০০০০০০০০০০০০০

বাংলাদেশে ঢাকায় ফের একটি ইসকন মন্দিরে অগ্নিসংযোগের ঘটনায় গভীর উদ্বেগ প্রকাশ করেছেন ইসকন কলকাতার সহ-সভাপতি রাধারমন দাস। এক বেসরকারি টিভি চ্যানেলে ঘটনায় গভীর উদ্বেগ প্রকাশ করে তিনি বলেন, ওই অগ্নিসংযোগ এর ঘটনায় ওই মন্দির ও বিগ্রহ নষ্ট হয়েছে ; বাংলাদেশের ইসকন কর্তৃপক্ষ সে দেশের সরকারের সঙ্গে সর্বদা যোগাযোগ রাখছে বলে তিনি জানান। এব্যাপারে বাংলাদেশ সরকার নিরাপত্তার আশ্বাস দিয়েছে এবং ইসকনের বড় বড় মন্দিরে নিরাপত্তা ব্যবস্থা করা হয়েছে।

০০০০০০০০০০০০০০০০০০

বাংলাদেশে হিন্দুদের ওপর অত্যাচার ও ইসকনের মহারাজ চিন্ময় প্রভুর থ্রেপ্তারের প্রতিবাদে ও অবিলম্বে তার মুক্তির দাবিতে নদিয়ার রানাঘাটে প্রতিবাদ মিছিলে शामिल হয় হিন্দু সনাতনী সম্প্রদায়ের মানুষজন। বিকেলে রানাঘাট ফ্রেন্ডস ক্লাব ময়দান থেকে হিন্দু সনাতনীদেব এই মিছিল রানাঘাটেব বিভিন্ন রাস্তা ঘুরে রানাঘাট কলেজ প্রাঙ্গনে শেষ হয়। এদিনেব এই মিছিলে পা মেলান রাজ্য BJP এব প্রাক্তন সভাপতি দিলীপ ঘোষ, রানাঘাটেব সাংসদ জগন্নাথ সরকার, চাকদার বিধায়ক বঙ্কিম ঘোষ, রানাঘাট উত্তর পূর্বেব বিধায়ক অসীম বিশ্বাস সহ একাধিক বিজেপি নেতা কর্মী।

০০০০০০০০০০০০০০০০০০০০

পশ্চিমবঙ্গে,রাজ্যসভাব একটি শূন্য আসনে উপনির্বাচনেব জন্য মনোনয়ন পেশেব কাজ চলছে। ১০ই ডিসেম্বব পর্যন্ত রাজ্য বিধানসভাব ওই নির্বাচনেব মনোনয়নপত্র জমা নেওয়া হবে। ১১ই ডিসেম্বব জমা করা মনোনয়ন পত্র পরীক্ষা করে দেখা হবে। মনোনয়ন প্রত্যাহারেব শেষ দিন ১৩ই ডিসেম্বব। একাধিক প্রার্থী প্রতিদ্বন্দ্বিতা করলে ২০ ডিসেম্বব ভোটগ্রহণ হবে বলে জানানো হয়েছে। না হলে ১৩ তারিখেই বিজয়ী প্রার্থীেব নাম ঘোষণা করে দেওয়া হবে।

উল্লেখ্য তৃণমূল কংগ্রেসেব জহব সরকার পদত্যাগ করাব রাজ্যসভাব একটি আসনে উপনির্বাচন অনিবার্য হয়ে পড়ে।

আসন্ন রাজ্যসভা উপ-নির্বাচনে তৃণমূল কংগ্রেস ঋতব্রত বন্দ্যোপাধ্যাকে প্রার্থী করেছে। বর্তমানে তিনি দলেব শ্রমিক সংগঠন আই এন টি টি ইউ সি-ব রাজ্য সভাপতি পদে রয়েছেন।

০০০০০০০০০০০০০০০০০০০০

সংশোধিত, সংযোজিত ভোটােব তালিকা প্রকাশেব উদ্দেশ্যে ভারতেব নির্বাচন কমিশনেব নির্দেশ অনুসারে ভোটােব তালিকােব বিশেষ সংক্ষিপ্ত সংশোধন কর্মসূচী ২০২৫ গত ১২ নভেম্বব থেকে শুরু হয়েছে, চলবে আগামী ১২ ডিসেম্বব পর্যন্ত। এই কর্মসূচিতে আগামীকাল রবিবার বিশেষ প্রচারেব শেষ দিন। ১৮ - ব Power গড়বে বাংলােব Future

এই শ্লোগানকে সামনে রেখে সকাল ৬ টায় কলকাতার পুলিশ Athletic Club থেকে ৫ কিলোমিটার দৌড় এবং ১০ কিলোমিটার সাইকেল দৌড়ের আয়োজন করা হয়েছে। এই প্রচার কর্মসূচীর সূচনা করবেন রাজ্যের মুখ্য নির্বাচনী আধিকারিক আরিজ আফতাব। কলকাতা দক্ষিণের জেলা নির্বাচনী আধিকারিক Vibhu Goyal ওই অনুষ্ঠানে উপস্থিত থাকবেন।

০০০০০০০০০০০০০০০০০০০০০০

রাজ্যে এখনও তেমনভাবে শীতের আমেজ অনুভূত না হলেও আগামী সপ্তাহের মাঝামাঝি থেকে তাপমাত্রা কমবে বলে জানিয়েছেন আবহাওয়া দফতরের পূর্বাঞ্চলীয় প্রধান ডক্টর সোমনাথ দত্ত।

(বাইট – সোমনাথ)

০০০০০০০০০০০০০০০০০০০০০০

৩০ তম কলকাতা আন্তর্জাতিক চলচ্চিত্র উৎসবের আজ চতুর্থ দিন। অন্যান্য বারের মতো দিনের বেলা নন্দন চত্বর তেমন জমজমাট না হলেও বিকেলের পর থেকে সিনে আড্ডায় তরুণদের লক্ষ্য করা গেছে। সিনেমার পাশাপাশি এবার গুরুত্বপূর্ণ আলোচনাগুলিতেও শিশির মঞ্চ থাকছে পরিপূর্ণ।

একটি প্রতিবেদন-

০০০০০০০০০০০০০০০০০০০০০০

চেন্নাইয়ের জওহরলাল নেহেরু স্টেডিয়ামে আজ আইএসএল ফুটবলের ম্যাচে ইস্টবেঙ্গল ২-০ গোলে চেন্নাইয়িন এফসিকে হারিয়ে দিয়েছে। দুটি গোলই হয় খেলার দ্বিতীয়ার্ধে। গোল করেছেন ভি পুথিয়া ভালাপপিল ও থাওনাওজাম। এবারের আইএসএলে এটা ইস্টবেঙ্গলের দ্বিতীয় জয়। জয়ের ফলে ৯ ম্যাচে ৭ পয়েন্ট নিয়ে লাল

হলুদ লিগ তালিকায় একাদশ স্থানে উঠে এসেছে। ১১ ম্যাচে ১২ পয়েন্ট নিয়ে চেন্নাই নবম স্থানে ।

oooooooooooooooooooo